

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ


№ 144 (12.205)

Баҳоси эркин нарҳда



ТАҚДИРИМСАН, БАХТИМСАН, ЭРКИН ВА ОБОД ВАТАН!

ПОЙТАХТНИНГ БИР КУНИ



МАҲАЛЛИЙЛАШТИРИШ ДАСТУРИ АСОСИДА

Маҳаллийлаштириш миллий дастурига киритилган «Magnum medical servis» очиқ турдаги акциядорлик жамияти ўз фаолиятини 2007 йилдан буён амалга ошириб келади. Хирургик, ортопедик, физиотерапевтик, реанимацион ва бошқа турдаги тиббиёт асбоб-ускуналарини ишлаб чиқариш, даволаниш вақтида ишлатиладиган махсус мебеллар, функционал ётоқ мебелларини тайёрлаш ҳамда тиббиёт асбоб-ускуналарини техник кўриқдан ўтказиш ва таъмирлаш корхона фаолиятининг асосини ташкил қилади.

– Бугунги кунга келиб корхонамизда 70 га яқин тиббиёт асбобларини ишлаб чиқариш йўлга қўйилган, – дейди компания бош директори Отабек Жиянбоев. – Уларнинг кўпчилиги қисми чет элда ишлаб чиқариладиган асбобларнинг аналогидир. Мамлакатимиз даволаниш масканларида корхонамизда ишлаб чиқарилган асбобларнинг деярли ҳамма туридан унумли фойдаланиб келинади. Бизнинг доимий ҳамкорларимиз сафига Республикамизда кўзга кўринган шифо масканлари, жумладан, Травматология ва ортопедия илмий-текшириш институти, Республика Онкологик илмий маркази, Акушерлик ва гинекология

илмий-текшириш институти, Дерматология ва венерология институти, ИИВ марказий госпитали, Республика махсус Урология маркази ва бошқа кўплаб клиник марказлар кирди.

2009 йилда Травматология ва ортопедия илмий-текшириш институти томонидан буюртма қилинган умуртқа погонасини даволашда қўлланиладиган махсус аппаратлар ишлаб чиқариш йўлга қўйилди. 2010 йилдан бошлаб эса компания томонидан синган суякларни даволашда қўлланиладиган аппаратлар ишлаб чиқарила бошланди.

(Давоми 2-бетда)

Ўзбекистон Республикаси Олий Мажлиси Қонунчилик палатасининг sanoat, қурилиш ва савдо масалалари кўмитасида статистик, солиқ, молиявий ҳисоботларни, лицензияланадиган фаолият турларини ва руҳсат бериш тартиб-таомилларини такомиллаштириш масалаларига бағишланган семинар бўлиб ўтди. Унда депутатлар, тегишли вазирилик, идора, ташкилот ва кўмиталар вакиллари ҳамда журналистлар иштирок этди.

Фармон ва ижро

ЮКСАК ЭЪТИБОРНИНГ АМАЛДАГИ ЯНА БИР ИФОДАСИ

Президентимиз Ислам Каримов раҳнамолигида мамлакатимизда амалга оширилаётган кенг қўламли ислохотлар жараёнида бозор иқтисодиёти тамойилларини ҳаётга изчил татбиқ этишга қаратилган эътибор бугунги кунда ва фаровон ҳаётга эришилмишда муҳим омил бўлгани алоҳида таъкидланди.

Бу йўналишдаги кенг қўламли вазифаларни ҳаётга татбиқ этиш мақсадида мустақам қонунчилик базаси шакллантирилди. Бозор иқтисодиётининг асоси бўлган хусусий мулк

устуворлигини таъминлайдиган, тадбиркорлик фаолиятини қўллаб-қувватлашга хизмат қиладиган зарур шарт-шароитлар яратилди. Мамлакатимизда қўлай ишбилармонлик муҳити юзга келиб, кичик бизнес ва хусусий тадбиркорлик жадал ривожланмоқда. Сўнгги йилларда ушбу соҳанинг янги ички маҳсулот ишлаб чиқаришдаги улуши муттасил ошиб бораётгани аҳолини иш билан таъминлаш, бозорларимизни сифатли маҳсулотлар билан тўлдириш ва экспорт ҳажмининг ошириш, мам-

Берлинда мамлакатимизнинг замонавий ижтимоий-иқтисодий тараққиёти мавзусига бағишланган давра суҳбати бўлиб ўтди. Ўзбекистоннинг Германиядаги элчихонаси томонидан Германия Рақобатбардош иқтисодиётни қўллаб-қувватлаш бирлашмаси (Verein zur Förderung der Wettbewerbswirtschaft e.V.) билан ҳамкорликда ташкил этилган мазкур тадбирда Германия ижтимоий-сиёсий, иқтисодий, эксперт-таҳлил доиралари ҳамда оммавий ахборот воситаларининг вакиллари иштирок этдилар.

ЎЗБЕКИСТОНДА АМАЛГА ОШИРИЛАЁТГАН ИСЛОХОТЛАР

Берлинда ўтказилган давра суҳбатида алоҳида эътироф этилди

Ўзбекистонда мустақил ривожланиш йиллари мобайнида эришилган муваффақиятлар, Президент Ислам Каримов томонидан илгари сурилган мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясининг мазмун-моҳияти ҳамда юртимиз ижтимоий-иқтисодий тараққиётининг долзарб йўналишлари тўғрисидаги батафсил маълумотлар давра суҳбати қатнашчиларининг эътиборига ҳавола этилди.

Тадбирда алоҳида таъкидланганидек, Ўзбекистонда қабул қилинган иқтисодий тараққиётнинг миллий модели изчил равишда ҳаётга татбиқ этилиши юртимизда барқарор ўсиш суръатлари ва иқтисодиётнинг макроиқтисодий мувозанатини таъминлаш имкониятини яратди.

Урашулда сўзга чиққан Германия Рақобатбардош иқтисодиётни қўллаб-қувватлаш бирлашмасининг директори, Германия – Ўзбекистон жамиятининг вице-президенти П.Шпери Ўзбекистонда амалга оширилаётган ижтимоий-иқтисодий ислохотлар алоҳида эътиборга молик эканлиги хусусида тўхталиб экан, изчил ислохотлар натижаси ўлароқ мамлакатимиз тарихан қисқа муддат ичида иқтисодиёт соҳасида юқори кўрсаткичларга эришса олди.

Унинг сўзларига қараганда, Европа Иттифоқи билан бевосита чегарадош бўлмасда-да Европада Ўзбекистонга Ўрта Осиёдаги стратегик шерик сифатида қаралади. П.Шперининг фикрича, бу мамлакатимизнинг улкан иқтисодий ва демографик салоҳияти ҳамда Европа Иттифоқининг минтақа мамлакатлари барқарор тараққиёти, минтақавий хавфсизлиги таъминланишига ҳамда Афғонистондаги вазиятни барқарорлаштиришга бўлган интилиши билан боғлиқдир.

Германия – Ўзбекистон жамиятининг вице-президенти юртимизда иқтисодиётни ривожлантириш бўйича кўриладиган чора-тадбирлар республикада кўшма сармоявий лойиҳаларни амалга оширишга қизиқиш билдирётган Германия ишбилармон доиралари вакиллари учун муҳим туртки ҳисобланишини ҳам қайд этди.

Германия Федератив Республикасининг Ўзбекистондаги собиқ элчиси, Германия – Ўзбекистон жамиятининг аъзоси М.Хеккернинг фикрича, ўзининг геостратегик жойлашуви билан ҳам Ўзбекистон Ўрта Осиёнинг муҳим давлати ҳисобланади. «Берлин Тошкент билан ҳамкорликка, жумладан, 2007 йилда Германия томонининг ташаббуси билан қабул қилинган Европа Иттифоқининг Марказий Осиё бўйича Стратегияси доирасидаги алоқаларга устувор аҳамият бераётми», деди у.

Немис дипломатининг таъкидлашича, республикаимиз раҳбарияти томонидан қабул қилинаётган ва мамлакатимизда сиёсий барқарорликни таъминлашга қаратилган чора-тадбирлар бутун дунёда муносиб баҳоланмоқда.

М.Хеккер республикаимизда sanoatнинг кимё ва нефть-кимё, машинасозлик, электротехника, дори-дармон, озиқ-овқат, тўқимачилик тармоқлари ҳамда сайёҳлик соҳаси жадал равишда ривожланиш бораётганини ҳам алоҳида қайд этди.

«Ўзбек халқининг бой тарихий-маданият мероси, Самарқанд, Бухоро, Хива шаҳарларида қад кўтарган ўрта аср меъморчилигининг маълум ва машҳур обидалари европалик сайёҳларда катта қизиқиш уйғотмоқда. Яқинда Ўзбекистоннинг қадимий шаҳарлари бўйлаб амалга оширилган сафарим чоғида бунга яна бир қарра ишонч ҳосил қилдим», деди у.

(Давоми 2-бетда)

лакатимизнинг иқтисодий қудратини мустаҳкамлашга хизмат қилмоқда.

Президентимиз Ислам Каримовнинг 2012 йил 16 июлда қабул қилинган «Статистик, солиқ, молиявий ҳисоботларни, лицензияланадиган фаолият турларини ва руҳсат бериш тартиб-таомилларини тубдан қисқартириш чора-тадбирлари тўғрисида»ги ва 2012 йил 18 июлда имзоланган «Ишбилармонлик муҳитини янада тубдан яхшилаш ва тадбиркорликка янада кенг эркинлик бериш чора-тадбирлари тўғрисида»ги Фармонлари тадбиркорлик фаолиятини янада ривожлантириш, кичик бизнес ва хусусий тадбиркорлик субъектларининг фаолиятини эркинлаштиришга қаратилган доимий эътиборнинг амалдаги яна бир ифодаси бўлди.

Янги фармонларга мувофиқ, 2012 йил 1 августдан бошлаб руҳсат беришга оид саксонта тартиб-таомил бекор қилиниши белгиланган. Бир қатор фаолият турларини лицензиялаш қисқартирилди, молиявий ва статистик ҳисоботларни тақдим этиш тартиблари янада такомиллаштирилди. Бу тадбиркорларни ортиқча овозгарчиликлардан ҳалос этиб, вақтини кўпроқ иш фаолияти, ўз бизнесини ривожлантиришга йўналтириш учун имкон яратди.

Семинарда тадбиркорлик фаолиятини янада эркинлаштиришда руҳсат бериш тартиб-таомиллари қисқартирилишининг аҳамияти, солиқ ва статистик ҳисоботларни тақдим этишнинг янги механизмлари оид маърузалар тингланди.

Б.ХИДИРОВА,
ЎЗА мухбири

ҚИСҚА САТРАЛДАР

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ «КАМОЛОТ» ЁИХ Марказий Кенгашида «Энг намунавий диний маърифат ва маънавий-ахлоқий тарбия масалалари бўйича маслаҳатчи» кўрик-танловининг

Тошкент шаҳар босқичи ўтказилди.

✓ АЛИШЕР Навоий номидаги Ўзбекистон Миллий боғида мамлакатимиз мустақиллигининг йигирма бир йиллигига бағишлаб «Тақдиримсан, бахтимсан, эркин ва обод Ватан!» шиори остида Тошкент шаҳар Ўрта махсус касб-хунар таълими бошқармасининг маъри-

фий-маданият тадбири ташкил этилди.

✓ ОЛМАЗОР туманидаги «Истиклол» спорт мажмуасида маҳаллалардаги 10 ёшдан 70 ёшгача бўлган маҳалла фаоллари ўртасида «Кувноқ стартлар», енгил атлетика, бадминтон, волейбол, мини футбол, дартс, шахмат, шашка, стол теннис турлари бўйича аънана-

вий спорт мусобақалари бўлиб ўтди.

✓ ЭРТАГА Тошкент шаҳар Маданият ва спорт ишлари бош бошқармаси томонидан мустақиллигимизнинг йигирма бир йиллигига бағишлаб Фафур Фулом номидаги маданият ва истироҳат боғида «Ягонасан, муқаддас Ватан!» кўрик-танловининг Тошкент шаҳар босқичи бўлиб ўтди.



МАМЛАКАТИМИЗДА

• Тошкентда Ўзбекистон Республикаси Олий Мажлиси Қонунчилик палатаси Меҳнат ва ижтимоий масалалар кўмитасининг «Фуқароларнинг жамғариб бориладиган пенсия таъминоти тўғрисида»ги Қонуннинг Фарғона вилоятидаги ижросини ўрганиш якунларига бағишланган йиғилиши бўлиб ўтди. Унда парламент куйи палатаси депутатлари, тегишли вазирилик ва идоралар вакиллари қатнашди.

• Ўзбекистон Республикаси Давлат солиқ кўмитасида солиқ органларининг 2012 йил биринчи ярим йилликдаги фаолияти якунлари ва учинчи чорак учун устувор вазифаларга бағишланган кенгайтирилган ҳайъат йиғилиши ўтказилди.

• Музабот туманидаги «Сурхонғиш-қурилиш» масъулияти чекланган жамиятида сифатли деворбоп материаллар ишлаб чиқаришга киришилди. Мазкур лойиҳа тадбиркор Мансур Тоғаевнинг 250 миллион сўмлик маблағи эвазига амалга оширилди. Ҳозир 10 киши меҳнат қилаётган ушбу корхонада кунига 40 минг донагача сифатли пишиқ гишт тайёрланиб, бунёдкорларга пешма-пеш етказиб берилмоқда.

• Нукусда «Фуқаролар йиғинларининг энг намунавий диний маърифат ва маънавий-ахлоқий тарбия масалалари бўйича маслаҳатчиси» республика кўрик-танловининг Қоракўл вилояти Республикаси босқичи бўлиб ўтди.

• Тошкент вилояти Бекобод шаҳридаги «Ёшлар» спорт мажмуасида Ватанимиз мустақиллигининг 21 йиллигига бағишланган «Тақдиримсан, бахтимсан, эркин ва обод Ватан!» шиори остида аёллар спорт фестивали ўтказилди.

ЖАҲОНДА

• Лондон кўчаларида «Олимпиада маршрутлари тизими» ишга тушди. Лойиҳага кўра, Буюк Британия пойтахтининг барча вақтовари йўлларидан олимпиада белгилари қўйилган алоҳида йўлақлар ажратилди. Ушбу дастур барча иштирокчиларнинг Олимпиада ўйинлари ўтказиладиган манзилларга ўз вақтида етиб бориши учун амалга оширилмоқда. Қироллик йўл-патруль хизмати вакилларининг сўзларига кўра, «Олимпиада транспорти» учун ажратилган махсус йўллар оддий ҳайдовчилар ҳаракати учун ҳар қуни эрталаб соат бешдан кечки соат ўнгача ёпиқ бўлади.

• Швейцариянинг «Сотбис» кимошди савдо уйида 25 қаратли пушти олмос 46 миллион АҚШ долларига сотилди. Хабарларга қараганда, олмосни британиялик машҳур заргар Лоуренс Графф сотиб олган. Харидорнинг сўзларига кўра, у бундай тошларга ниҳоятда қизиқади. Мазкур олмосни Л.Графф ўз авлодларига мерос сифатида қолдириш ниятида.

• Сингапурда томига қуёш батареялари ўрнатилган турар жой бинолари қурилиши бошланди. Мазкур бинолар қуёшдан қувватланиб, кўп миқдорда энергия олиш хусусиятига эга. Маълумотларга қараганда, цилиндр шаклидаги бундай бинони барпо этишда қўлланиладиган фотоэлектрик панелларнинг кунлик ишлаб чиқариш қуввати кун давомида сарфланадиган энергиядан беш баробар кўп.

• Покистон шимоли-ғарбида рўй берган портлаш оқибатида ўн икки одам ҳаётдан кўз юмди. Маҳаллий матбуотнинг ёзишича, террорчилар ҳаракатланаётган йўловчи автобуси яқинида масофадан туриб портлатиш моламасини ишга туширган. Мамлакат қутқарув хизмати ходимларининг сўзларига кўра, фожиа оқибатида жароҳатланганлар яқин орадаги шифохоналарга ётказилган.

Ёз — ўтмоқда соз

ОРОМГОҲДА «ЁШ ҚУТҚАРУВЧИЛАР» МУСОБАҚАСИ

Ўзбекистон Республикаси Вазирлар Маҳкамасининг 2012 йил 16 апрелдаги мажлиси баёни, Ўзбекистон Республикаси Фавқулодда вазиятлар вазирининг 2012 йил 14 мартдаги буйруғи, Тошкент шаҳар ҳокимлиги ва Тошкент шаҳар касаба уюшмалари ташкилотлари бирлашмаси Кенгаши раёсатининг 2012 йил 9 ва 12 март кунларидаги «Ёзги таътил кунларида мактаб ўқувчиларини дам олдириш ва соғломлаштириш ишларини ташкил этиш тўғрисида»ги қўшма қарори, Тошкент шаҳар ҳокимлигининг 2012 йил 14 мартдаги «Болаларнинг дам олишини ташкил этиш ва соғломлаштириш тизимини янада такомиллаштириш чора-тадбирлари тўғрисида»ги қарорлари талабларини бажариш мақсадида Тошкент шаҳар Фавқулодда вазиятлар бошқармаси томонидан жойларда қатор тадбирлар амалга оширилмоқда.

Жумладан, Тошкент вилоятининг Бўстонлик тумани, Чимён қишлоғида жойлашган «Кўёшли» болалар соғломлаштириш оромгоҳида «Ёзги болалар соғломлаштириш оромгоҳида фавқулодда вазиятларнинг олдини олиш ва содир бўлганда тўғри ҳаракат қилишга тайёрлаш ҳамда болаларнинг хавфсиз дам олишларини таъминлаш» мавзусида ўқув-амалий семинари ва болалар ўртасида «Ёш қутқарувчилар» мусобақаси ўтказилди.

Тадбир давомида мутасадди идора ва ташкилот вакиллари маърузалари тингланди.

Шундан сўнг «Кўёшли» болалар соғломлаштириш оромгоҳида «Йигин» оғоҳлантириш синали билан болаларнинг хавфсиз жойга туланиши синевдан ўтказилиб, оромгоҳ ҳудудидаги саф майдонига йиғилган болаларга тадбирнинг мақсади, вазифалари ва моҳияти тўғрисида қисқача маълумот берилди.

Маъшқ очилиши расмий эълон қилингандан сўнг оромгоҳ болалари таркибидан икки гуруҳга бўлинган «Бунёдкор» ва «Лочин» жамоалари ўртасида «Ёш қутқарувчилар» мусобақаси ўтказилди. Мусобақа хавфсизлигини таъминлаш мақсадида эса бошқарма ҳарбий хизматчилари ва қутқарувчилари жалб этилди.

Маъшқ семинар якунида асосий эътибор юзга қилиниши мумкин бўлган ҳарқиссалар билан боғлиқ фавқулодда вазиятларнинг олдини олиш, кўнгилсиз ҳодисалар содир бўлганда тўғри ва аниқ қарорлар қабул қилишни шахсан биринчи раҳбарлар зиммасига юклатиш, чўмилиш жойларида болаларнинг хавфсизлигини таъминлаш ва сув билан боғлиқ ҳақсиз ҳодисаларнинг олдини олиш, шунингдек, табиий тусдаги фавқулодда вазиятлар содир бўлганда фўқаро муҳофазаси тадбирларини режалаштириш ҳамда уларнинг оқибатларини бартараф этиш бўйича наза-


рий ва амалий кўникмаларини ҳосил қилишга қаратилди.

Энг муҳими, пойтахт корхоналари тасарруфидидаги болалар соғломлаштириш оромгоҳларида «Фўқаро муҳофазаси» бурчларини ташкил этиш, уларни зарур кўргазмалар, плакатлар, эслатмалар ва ўқув услубий қўлланмалар билан жиҳозлаш, оромгоҳда қутқарув тузилмалари аъзоларини зилзилалар оқибатида юзга келган фавқулодда вазиятларда бирлаши авария-қутқарув ишларини ташкил этишга тайёрлаш, уларни биринчи навбатда қутқарув воситалари билан таъминлаш ишларини босқичма-босқич амалга оширишга қелишиб олинди.

Тошкент шаҳар Фавқулодда вазиятлар бошқармаси ва пойтахт касаба уюшмалари ташкилотлари бирлашмаси Кенгаши билан келишиб ишлаб чиқилган чора-тадбирлар режасига мувофиқ, барча болалар соғломлаштириш оромгоҳларида шу каби «Ёзги болалар соғломлаштириш оромгоҳларида фавқулодда вазиятларнинг олдини олиш ва содир бўлганда тўғри ҳаракат қилишга тайёрлаш, болаларнинг хавфсиз дам олишларини таъминлаш» мавзусида семинар ва «Фўқаро муҳофазаси кўни» ҳамда болалар ўртасида «Ёш қутқарувчилар» мусобақалари ўтказилди.

Маъшқ семинар ва мусобақа тадбирларига Тошкент шаҳри корхоналари тасарруфидидаги болалар соғломлаштириш оромгоҳлари раҳбарлари, «Кўёшли» болалар соғломлаштириш оромгоҳи болалари, шунингдек, семинарга таклиф этилган иштирокчилардан жами бўлиб, 360 нафар ходимлар иштирок этишди. Учрашувлар давомида аҳолини зилзилалар оқибатида юзга келган фавқулодда вазиятларнинг олдини олиш ва оқибатларини бартараф этиш борасида эслатмалар тадбир иштирокчиларига тарқатилди.

Азамат СУЮНОВ



ЎЗ-ЎЗ ЎРГАНИШ ДОМО БИТУВ

МАШРИҚЗАМИН — ҲИКМАТ БЎСТОНИ

Ким ақлини ишлатади, ким нақлга зўр беради.

Ақлли одам ҳеч қачон ақлини пеш қилмайди.

Одам боласи ўзига кераксиз ёки ўзи тушунмаган нарсани қулогининг ёнидан ўтказиб юборади.

Одамларнинг гап-сўзи ҳеч қачон тугамайди.

Кимгадир дардини тўкмайдиган киши йўқ.

Энг хавфлиси, ҳамма нарсани билан деб ўйлаш.

Аҳмоқона қайсарлик ҳеч кимга фойда келтирмаган.

Қолган кўнгилни ҳеч нарса билан олиб бўлмайди.

Ҳаётнинг ўзи бир кун кўзларингни мошдай очиб қўйди.

Бировларнинг ҳаётини ташқи томондан кўрганимиз учун ҳам уларга ҳавас қиламиз — ичкарида нима гапигини билмаймиз.

Кўп гапирганнинг ўйлашга вақти қолмайди.

Бошқалардан айб топиб, аслида одамлар ўзларига таскин беришади.

Дард инсонни еб битиради.

Араз икки томонлама зиён: ҳам ўзига, ҳам аразлаган кишига.

Қадрини билган таклифсиз бирор ерга бормайди.

Ёмон бўлишдан кўрққан яхши ҳам бўлолмайди.

Кишининг кўриниши ҳеч нарсани ҳал қилмайди.

Кўнгил чопмаган нарса ҳеч қачон яхшилиқ билан тугамаган.

Кўнгил сезгисига ишонинг керак.

Бир кўнглинг қолган кишига сира меҳр боғлаёлмайсан.

Кўрқоқ ваҳима оламида яшайди.

Сиқиламан десанг, дунёда ғам кўп.

Ёлғон қуршовида яшаган охир-оқибат ёлғонга ишониб қолади — уни ҳақиқат деб қабул қилади.

Кимни ўзининг ғами қаритади, кимни бировнинг.

(Давоми бор)
Эргаш ОЧИЛОВ тайёрлаган

ПАРКУР СПОРТИ БЎЙИЧА МАСТЕР-КЛАСС

Буёқ британиялик паркур-атлет Дэниэл Маркус Илабака 1988 йил 23 январда Англиянинг Мортон шаҳрида туғилган. Мазкур спортчи паркур атлетикаси элементларини бажаришда ноанъанавий ёндашуви кўллайди. У паркур инсоннинг атрофдаги олам билан ўзаро муносабатини ўзгартира олади, шахснинг ўзига бўлган ишончининг ортиши ҳамда муваффақиятга интилиш, иродасини мустаҳкамлашга хизмат қилади, деб ҳисоблайди. Дэниэл учун паркур спорт тури эмас, балки ўзлик ва эркинликка интилишни намойиш қилишнинг ўзига хос усулидир. Бетакорр ва мардона услуби Дэниэлга машхурлик олиб келди. У кўплаб мусиқали видео ва реклама роликларини суратга олишда иштирок этди. 2009 йилда эса илк бор ўтказилган «MTV Ultimate Parkour Challenge» мусобақасида фолиблики кўлга киритди.

Паркур — спорт турига ўтган асрнинг охирида француз

«Ўзбекистон маданияти ва санъати форуми» жамғармаси спортнинг экстремал турлари, хусусан, жойдан-жойга кўчиш ва тўсиқларни енгиб ўтиш билан боғлиқ — паркур санъатига қизиқувчилар учун дунёнинг машхур паркур-атлети британиялик Дэниэл Илабака иштирокида мастер-класс машғулотларини ташкил этди.

трейсерларидан Давид Белль, Себастьян Фукан ва бошқалар асос солган. Ҳозирда дунёнинг қатор мамлакатларида паркур усталари ташаббуси билан фаол ривожлантирилаётган паркур санъати ўз луғавий талқинига кўра, «parcours du combattant» ҳарбий тайёргарликда тўсиқларни енгиш деган маънони англатади.

Паркурнинг моҳияти турли хилдаги тўсиқларни мардона енгиш ва шу жараёнда бажариладиган кескин ҳаракатлардан иборат. Бундай тўсиқлар вазиқасини мавжуд архитектура иншоотлари, панжаралар, деворлар, шунинг-

дек, махсус тайёрланган қурилмалар ҳам бажариши мумкин. Паркур — инсон ҳаётида учрайдиган турфа фавқулодда вазиятларда зарур бўладиган танани бошқариш кўникмалари мажмуи бўлиб, ушбу спорт маҳоратини эгаллашда тартиб-интизом, чидам ва матонат, куч ва унинг тўғри тақсимлини, тана ҳаракатларидан фойдаланиб, маконнинг маълум нуқтасини тезлик билан забт этиш асосий омил ҳисобланади.

Паркур маҳорат мактабида кўплаб қизиқувчилар иштирок этди.

Бекзодхўжа ЮЛДОШЕВ,
«Туркистон-пресс»

«Ўзбекистон маданияти ва санъати форуми» жамғармаси ҳамда Ўзбекистон Бадий академияси турли жанр ва услубларда ижод қилувчи фоторассомлар, фотография жамиятлари ҳамда ташкилотларини «Мен дунё ичраман: дунё мен ичра» мавзусидаги VI Тошкент халқаро фотобиенналесида иштирок этишга таклиф этади.

ФОТОБИЕННАЛЕ — 2012

Фотобиеннале жорий йилнинг 4-9 октябрь кунлари пойтахтдаги Бадий академия марказий кўргазмалар зали, Тошкент Фотосуратлар уйи, Ёшлар ижод саройи, Ўзбекистон тасвирий санъат галереяси, И. Хираяма номидаги халқаро каравонсарой ҳамда Самарқанд шаҳридаги «Чорсу» галереясида бўлиб ўтади.

Асарлари танлаб олинган муаллифлар иштирокчи сертификатларини кўлга киритишдади. Фотобиеннале голиблари учун мукофотлар, номинациялар учун совғалар ажратилган. Танлов иштирокчилари ижодий ишларини маҳаллий ва хорижий фотосанъат усталари ва экспертлардан ташкил топган ҳакамлар ҳайъати баҳолаб боради.

Биеннале муаллифларга шахснинг ҳаётдаги ўрни, дунё, табиат, жамият, оила ва бошқалар билан ўзаро муносабатларни акс эттириш имконини беради. Иштирокчиларнинг танловга тақдим этган фотосуратларида муаллифнинг ички дунёси, замона қахрамонларини кашф этишдаги ўзига хос йўналишлари, атроф-муҳит ва жамиятнинг инсон шахсияти, ҳиссиётлари, дунёқарashi ва ўй-фикрларига таъсири мавзулари акс эттирилган бўлишига эътибор қаратилади.

Биенналеда «Оилага бағишланган энг яхши фото-

графия», «Энг яхши кураторлик лойиҳаси», «Энг яхши бадий фотография», «Энг яхши экспериментал фотография», «Ёш фоторассомнинг энг яхши асари» каби номинациялар бўйича танлов эълон қилинади. Танловда 35 ёшгача бўлган муаллифлар иштирок этиши мумкин. Фотографиялар оққора рангли 30x40 ёки 30x45см ҳажмдаги қоғоз форматда ва CD, DVD-дискларга ёзиб олинган ҳамда интернетдан юборилган 300 dpi, узун томони 4500 пиксель ҳажмдаги рақамли форматда қабул қилинади.

Фотобиенналеда иштирок этиш учун биеннале мавзусини акс эттирувчи визуал ёки маъносига кўра тизимга туширилган яқка фотографиялар ва бир серияда 10 та асардан иборат фотосериялар қабул қилинади. Бир мавзу бўйича битта муаллиф томонидан 5 тагача асар тақдим этилиши мумкин. Фотографиялар серияси бир асар сифатида қабул қилинади. Шунингдек, танловга 3 тадан кам бўлмаган кураторлик лойиҳалари ҳам қабул қилинади. Уларнинг ҳар бири турли муаллифларнинг 10 та асарини қамраб олиши мумкин. Иштирокчиларнинг асарлари ва аризалари 2012 йилнинг 1 сентябрга қадар қабул қилинади.

«Туркистон-пресс»

ТОШКЕНТ ОҚШОМИ

Манзилми: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар: 233-28-95,
236-57-65. факс: (371) 232-11-39

2007 йил 19 январда Тошкент шаҳар Матбуот ва ахборот бошқармасида 02-1-рақам билан рўйхатга олинган

Нашрни етказиб бериш масалалари бўйича турар жойлардаги почта бўлимларига ёки «Тошкент почтамати»га — 233-74-05 телефонига мурожаат қилишингиз мумкин. Газета таҳририят компьютер марказида терилди ва саҳифаланди.

МУАССИС: ТОШКЕНТ ШАҲАР ҲОКИМЛИГИ



Бизнинг электрон манзил:
vto2007@mail.uz

Буюртма Г- 741

Душанба, сешанба, чоршанба,
пайшанба ва жума кунлари чиқди
Нашр кўрсаткичи — 563

Ҳажми — 2 босма табоқ, офсет усулида босилади.
5102 нусхада босилди.
Қоғоз бичими А-2

Нашр учун масъул
Д. Исроилов

«Шарқ» нашриёт-матбаа акциядорлик компанияси босмахонаси. Корхона манзили: Буюқ Турон кўчаси, 41-уй

Бош муҳаррир
Ақмал АКРОМОВ

Тошпириш вақти: 13.00 Босишга топширилди: 15.30